

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), člana 51. stav (1) Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10) i člana 12. stav (1) Zakona o energijskoj efikasnosti u Federaciji Bosne i Hercegovine („Službene novine Federacije BiH“, broj: 22/17), Vlada Federacije Bosne i Hercegovine, na prijedlog Federalnog ministarstva energije, rudarstva i industrije, na 78. hitnoj sjednici, održanoj 10.07.2017. godine, donosi

**ZAKLJUČAK  
O DONOŠENJU AKCIONOG PLANA ENERGIJSKE EFIKASNOSTI FEDERACIJE  
BOSNE I HERCEGOVINE - EEAPF**

1. Ovim zaključkom Vlada Federacije Bosne i Hercegovine (u daljnjem tekstu: Vlada Federacije Bosne i Hercegovine) donosi Akcioni plan energijske efikasnosti Federacije Bosne i Hercegovine (u daljnjem tekstu: EEAPF), na period od tri godine.
2. EEAPF iz tačke 1. je sastavni dio ovog zaključka i sastavni dio Nacionalnog akcionog plana za energetske efikasnost Bosne i Hercegovine - NEEAP BiH.
3. Vlada Federacije Bosne i Hercegovine usvaja Aneks - Mapa puta za transponovanje i implementaciju preuzetih obaveza Ugovorom o uspostavi Energetske zajednice za oblast energijske efikasnosti (u daljnjem tekstu: Mapa puta - Poglavlje 4.), koji čini sastavni dio EEAPF, i daje pozitivno mišljenje na prijedlog nacrtu NEEAP BiH u dijelu koji se odnosi na EEAPF i Mapu puta - Poglavlje 4., dostavljen od strane Ministarstva vanjske trgovine i ekonomskih odnosa (u daljnjem tekstu: MVTEO BiH).
4. Aneks - Mapa puta - Poglavlje 4. EEAPF stupa na snagu danom donošenja a primjenjivaće se nakon usvajanja NEEAP BiH.
5. Vlada Federacije Bosne i Hercegovine zadužuje Federalno ministarstvo energije, rudarstva i industrije da Izveštaj o realizaciji EEAPF-a podnese na usvajanje Vladi Federacije Bosne i Hercegovine do 30. aprila u tekućoj godini za prethodnu godinu.
6. Vlada Federacije Bosne i Hercegovine zadužuje Federalno ministarstvo energije, rudarstva i industrije da ovaj zaključak dostavi MVTEO na znanje i nadležno postupanje.
7. Ovaj zaključak stupa na snagu narednog dana od dana objavljivanja u „Službenim novinama Federacije BiH“.

V. broj: 960 /2017  
10.07.2017. godine  
Sarajevo

**PREMIJER**

**Fadil Novalić**